



COMUNU DE PRAMMAS

Provìntzia de Aristanis

✉ Bia de Rinascita, 19 – C.A.P. 09090 ☎ 0783/28028 📠 0783/28098

C.F. 80006890950 – P.I. 001 0513 095 9

UFÌTZIU DE SU SÌNDIGU

E-mail: sindaco@pec.comune.palmasarborea.or.it

ORDINÀNTZIA N. 13 DE SU 03.11.2020

PROT. N. 5621 de su 03.11.2020

OGETU: MESURAS PO PARAI FACI E PONI FRENU A SU SPANIAI DE SU VIRUS COVID-19. SCOLA PRIMÀRIA SERRADA.

SU SÌNDIGU

Postu in antis ca:

- sa delibera de su Consillu de is Ministrus de su 31 de gennàrgiu de su 2020, cun chi at decrarau, me in 6 mesis infatu, s'istadu de apretu in su territòriu natzionali po s'arriscu sanidàriu acapiu a is patologias chi ndi funt bessidas a pillu po nexi de is agentis viralis chi s'atacant apari e is decretus afatantis de sa Presidèntzia de su Consillu de is Ministrus e is Ordinàntzias afatantis de su capu Dipartimentu de sa Protetzioni Tzivilis Natzionali, is Ordinàntzias afatantis de su Presidenti de sa Regioni Sardigna, po gestiri s'apretu epidemiològicu de Covid-19;
- Su Decretu Lei 30 de su mesi de argiolas de su 2020, n. 83 chi at prorogau is Mesuras de apretu acapiadas a sa scadèntzia de sa decraratzioni de apretu epidemiològicu de Covid-19 deliberada su 31 de gennàrgiu de su 2020;

Scerau ca, cunforma a s'art. 3 comma 2 de su D.L. n. 19 de su 25.03.2020, is sindigus podint pigai ordinàntzias contingibilis e de apretu deretas a parai faci a s'apretu me in is limitis de s'art. 1 comma 2 de su Decretu in arremoni;

Cunsiderau ca s'agravamentu de ora in ora de s'apretu epidemiològicu de COVID-19 Imponit de assegurai a is tzitadinus ònnia forma de agiudu po sarvanguardai sa tutela de is interessus de fundamentu, in mesu a totu totu su chi pertocat s'interesa de sa vida e de sa saludi pùblica;

Bida sa crèscida de genti positiva a su Covid-19, me in is ùrtimus tempus in sa comunidadi de Prammàs, innui s'aciapant finas duus alunnus de sa scola primària;

Biu s'art. 50 comma 5 de su D.Lgs 18 de austu de su 2000, n. 267, Testu ùnicu de is Entis Localis;

Po podi arreconnosci e poni a solas is personis chi iant a podi essi stètias a cuntatu cun genti positiva a su tamponi;

Crètiu po tanti necessàriu, in custu tempus de apretu, limitai is cuntatus chi non funt de abisòngiu;

ORDINAT

De serrai sa scola primària de Prammas movendi de sa dii 04.11.2020 e finas a totu su 07.11.2020.

Custa ordinàntzia ballit movendi de sa dii chi s'est fata e finas a totu su 07 de onniasantu de su 2020, sarvu àteru disponimentu postu a craru. Sarvu sa possibilitadi de dda mudai cun àterus disponimentu nous.

Sarvu chi su fatu non siat arreatu gravi, su de non poni in menti a is òbrigus de custa ordinàntzia si santzionat comenti narat sa lei (art. 4 Decretu-Lei 25 de martzu de su 2020, n. 19).

Contras a custa ordinàntzia s'ammitit arrecursu giurisditzionali in antis a su Tribunali Amministrativu Regionali in su termini de 60 diis de sa comunicatzioni o arrecursu straordinàriu a su Capu de s'Istadu, aintru de su termini de 120 diis.

DISPONIT

de nci mandai custa ordinàntzia:

- a sa Prefetura de Aristanis
- a sa Cuestura de Aristanis
- a sa Stazioni Carabinneris de Santa Justa
- Istitutu Cumprensivu n. 1 de Aristanis
- a s'Albu Pretòriu - SEDI

Su Sìndigu

Emanuele Cadoni